

數隨地寬狹取中上田一分畿內一分外國隨闕收授勿使爭求膏腴之地○中略許之

〔延喜式民部二十三〕凡任官叙位及薨卒應收給封田者官下符省造奏文付內侍令直奏訖即施行稱直奏者他皆

此准皆量便給之不得阿容

〔令義解四〕凡在外諸司職分田交代以前種者入前人此謂大納言以上職分田亦准若前人自耕未種後

人酬其功直闕官田用公力營種所有當年苗子新人至日依數給付謂公力者雜徭也當年者自正月

到任者去年苗子不可更給也

〔令集解十一〕穴云郡司終身之任不合有交代故郡司者不云者問大納言以上職田何答亦放此但

作令日不云內官者條內多論在外事故也問於京官以何日為交代日答以任官日耳若於任符給

之說一如外官也跡云謂依任符至日為限若同符有二人相代而一人種訖一人下苗而未種者已

種人得未種人不得耳但今官符云四月卅日內至者入後人五月一日以後至者入前人者也朱云

在外諸司職分田未知郡司職分田何同不答郡司長任人也不可云交代故不入此文者先云但唯

此文雖死亡犯罪解但前種者入前人也未種死亡解任者後人可得者何問交代前後依何可定答

以任符至為定耳明知代之故也大納言以上得職田等亦准此條者遙授國司不可得職田者古記

云交代以前種者謂已殖訖也蒔種者入未種例也分佃謂賣與他人也問公廩職田者名其理若為

答外官食料給田謂之公廩田耳○中略釋云用公力雜徭之類也當年猶言一年也假令正月到任者

去年苗子依數給耳案稱當年即知去年苗者不合也跡云當時官田用功力營種新人至日功力相

折耳當年謂假令元年各被召而二年春至之類不合給也穴云問闕官田用公力營種所有當年苗

子新人至日依數給付者未知給新人之時可折公力之代哉答須折所用官物之代耳問大納言以

上闕官日何答不同此例宜為公田賃租也郡司職田亦准此十二月以前為當年問令釋云當年猶言一年

也假令正月至任者去年苗子依數給耳不知誰長答以十二月以前為當年然則正月至任者不可